

Darsliklarni ijaraga berish to'g'risida

NAMUNAVIY SHARTNOMA

Shartnoma tuzilgan hudud

Shartnoma tuzilgan sana

Bir tomonidan Umumta'lim maktabi joylashgan joy, raqami (nomi) nomidan ustav asosida ish yurituvchi, bundan buyon matnda "Ijaraga beruvchi" deb yuritiluvchi Ijaraga beruvchining tomonidan harakatlanadigan shaxsning F.I.O. shaxsida hamda ikkinchi tomondan ta'lim Ta'lim tili tilida olib boriladigan Sinf raqami-sinf o'quvchisining ota-onasi yoki ularning o'rnini bosuvchi shaxs yoxud homiy, bundan buyon matnda "Ijaraga oluvchi" deb yuritiluvchi Ijaraga oluvchining F.I.O. mazkur Shartnomani quyidagilar haqida tuzishdi:

I. SHARTNOMA PREDMETI

1.1. Ijaraga beruvchi, Ijaraga berilayotgan darsliklarning o'quv yili o'quv yilida vaqtinchalik foydalanish uchun mazkur shartnomaning 1.2-bandida ko'rsatib o'tilgan darsliklar to'plamini Ijaraga oluvchiga beradi, Ijaraga oluvchi esa, mazkur Shartnomaning 2.1 va 2.2-bandlarida ko'rsatilgan miqdorda va muddatlarda ijara to'lovini to'lash va Ijaraga olgan darsliklarni topshirishning yakuniy muddatigacha darsliklar to'plamini foydalanishga yaroqli holatda qaytarish majburiyatini oladi.

1.2. Mazkur Shartnomaning predmeti bo'lgan darsliklar to'plami Ijaraga oluvchiga foydalanishga yaroqli holatda quyidagi nomlarda va miqdorda beriladi:

Darsliklar nomi va miqdori.

II. IJARA TO'LOVINI TO'LASH TARTIBI VA MUDDATLARI

2.1. Mazkur Shartnomaning 1.2-bandida ko'rsatib o'tilgan darsliklar to'plamidan foydalanish uchun Ijaraga oluvchi O'zbekiston Respublikasi Moliya vazirligi huzuridagi Respublika maqsadli kitob jamg'armasi Vasiylik kengashi tomonidan Ijaraga olgan darsliklarning o'quv yili o'quv yiliga jami Ijaraga olgan darsliklarning o'quv yiliga to'lov miqdori so'm miqdorida belgilangan ijara to'lovini Ijaraga beruvchiga to'laydi.

2.2. Ijara to'lovi mablag'lari to'liq hajmda joriy o'quv yilining 30-sentyabridan kechiktirmagan holda to'lanadi.

Ijaraga oluvchi pul mablag'lari vaqtinchalik yo'qligi sababli, ijara to'lovi muddatini uzaytirish to'g'risida umumta'lim maktabi ma'muriyatiga murojaat qilishi mumkin. Bunda ijara to'lovi muddati umumta'lim maktabi vasiylik kengashi qarori va direktor buyrug'i bilan uzaytiriladi. Ijara to'lovi muddati uzaytirilgan taqdirda, mazkur to'lovning 50 foizi joriy yilning 30-sentyabrigacha, qolgan qismi esa, 30-noyabrgacha to'lanishi lozim.

III. TOMONLARNING HUQUQLARI

3.1. Ijaraga beruvchi quyidagi huquqlarga ega:

3.1.1. Ijara to'lovining mazkur Nizomning 2.1 va 2.2-bandlarida nazarda tutilgan miqdorda, tartibda va muddatda to'lanishini Ijaraga oluvchidan talab qilish;

3.1.2. Ijaraga oluvchining aybi bilan darslik yo'qolgan yoki foydalanishga yaroqsiz holatga kelib qolganda, zararni xuddi shunday darslik bilan qoplashni yoki uning qiymatini mazkur Shartnomaning 4.2.4-bandida ko'rsatilgan tartibda to'lashni talab qilish;

3.1.3. Ijara to'lovi muddatini uzaytirish.

3.2. Ijaraga oluvchi quyidagi huquqlarga ega:

3.2.1. Ijara to'lovini to'laganidan keyin, Ijaraga beruvchidan tegishli darsliklarni foydalanishga yaroqli bo'lgan holatda va to'liq to'plamda Ijaraga beruvchidan talab qilish;

3.2.2. Ijara to'lovi muddatini uzaytirish to'g'risida Ijaraga beruvchiga murojaat qilish;

3.2.3. Mazkur Shartnomaning 2.1-bandida ko'rsatib o'tilgan ijara to'lovi summasini Ijaraga beruvchining yoki tegishli bankning kassasiga naqd pul mablag'larini to'lash yoki Ijaraga beruvchining shaxsiy g'azna hisobvarag'iga pul o'tkazish yo'li bilan to'lash.

IV. TOMONLARNING MAJBURIYATLARI

4.1. Ijaraga beruvchi quyidagilarga majbur:

4.1.1. Ijara to'lovi to'langandan keyin, mazkur Shartnomaning 1.2-bandida ko'rsatib o'tilgan darsliklar to'plamidan 2.1. bandida ko'rsatilgan o'quv yilida vaqtinchalik foydalanish uchun Ijaraga oluvchiga berish;

4.1.2. Ijaraga oluvchini ijara to'lovi miqdorlari, darsliklar to'plamlarini ijaraga berish va ijara to'lovini to'lash tartibi, shuningdek darsliklar to'plamlaridan foydalanish shartlari va muddatlari to'g'risida ma'lumotlar bilan ta'minlash.

4.2. Ijaraga oluvchi quyidagilarga majbur:

4.2.1. Mazkur Shartnomaning 2.1 va 2.2-bandlarida ko'rsatib o'tilgan miqdorda va muddatlarda ijara to'lovini to'lash;

4.2.2. Olingan darsliklar to'plamining to'liq va foydalanishga yaroqli holatda saqlanishini ta'minlash;

4.2.3. Darsliklar to'plamini foydalanishga yaroqli holatda Ijaraga beruvchiga Qaytarish;

4.2.4. Darsliklar yo'qolgan yoki keyinchalik foydalanishga yaroqsiz holatga kelib qolgan holatlarda zararni xuddi shunday darslik bilan qoplash yoxud uning birlamchi hujjatlarda (hisob-fakturada, yuk xatida) ko'rsatilgan qiymatini quyidagi miqdorlarda to'lash:

birinchi sinf o'quvchilarining har bir darsligi uchun – uning bir baravari miqdorida;

2 – 4-sinf o'quvchilarining har bir darsligi uchun – uning ikki baravari miqdorida;

5 – 9-sinf o'quvchilarining har bir darsligi uchun – uning to'rt baravari miqdorida.

V. TOMONLARNING JAVOBGARLIGI

5.1. Mazkur Shartnoma bo'yicha olingan majburiyatlarni bajarmaganligi uchun Tomonlar shartnoma shartlari va qonun hujjatlariga asosan javobgarlikka tortiladi.

5.2. Tomonlar bartaraf etib bo'lmaydigan vaziyatlar (fors-major) oqibatida ushbu Shartnoma bo'yicha majburiyatlarni qisman yoki to'liq bajarmaganliklari uchun javobgarlikdan ozod etiladi.

VI. NIZOLARNI BARTARAF ETISH

6.1. Mazkur Shartnomaning amal qilishi davomida vujudga kelgan nizolar tomonlar orasida muzokaralar olib borish yo'li bilan hal qilinadi.

6.2. Nizolarni hal qilishda kelishuvga erishilmagan taqdirda, ular qonun hujjatlarida belgilangan tartibda sud tomonidan hal etiladi.

VII. YAKUNIY QOIDALAR

7. Mazkur Shartnoma bilan tartibga solinmagan o'zaro munosabatlar qonun hujjatlariga asosan hal qilinadi.

8. Mazkur Shartnoma 2 ta asl nusxada tuzildi.

VIII. TOMONLARNING REKVIZITLARI

Maktab

Maktabning raqami (nomi)

Manzili: Maktabning manzili

telefon /faks: Maktabning telefon raqami

Shaxsiy g'azna hisobvarag'i: Maktabning g'azna hisob raqami

MFO: Bank kodi MFO

STIR: Maktabning STIR raqami

IFUT: Maktabning IFUT raqami

Foydalanuvchi

Foydalanuvchining F.I.O.

Manzili: Foydalanuvchining manzili

Pasport seriyasi, raqami, kim tomonidan

va qachon berilgan: Foydalanuvchining pasport ma'lumotlari

O'quvchining F.I.O. O'quvchining F.I.O.

TOMONLARNING IMZOLARI

Maktab: Maktab rahbarining F.I.O.

Foydalanuvchi: _____

M.O'. (imzo) _____

(imzo) _____

Ijara shartnomasi imzolangan sana